

Ilay Voa Tsara Nafafy 23
Jolay 2018

**Tsy mba hitoetra ao anatin'ny tranoko izay manao fita-
ka ; tsy mba hijanona eo anoloan'ny masoko izay milaza
lainga.** Salamo 101. 7

**Ny tanàna dia tena volamena ... Ary tsy mba hiditra ao
mihitsy izay tsy masina, na izay manao vetaveta, na izay
mandainga, fa izay voasoratra ao anatin'ny bokin'ny fi-
ainana izay an'ny Zanak'ondry ihany.**

Apokalypsy 21. 18, 27

Lainga sy marina

„Fahadisoana ara-toe-panahy aman-tsaina izany !”, hoy ny fitam-
baran'ny mpanao pôlitika, nanondro ny lainga nataona minisi-
tra iray. Inona moa ny toe-panahy aman-tsaina resahina amin'
izany ? Amin'ny lafiny iray, dia esoina ny toe-panahy aman-tsai-
na, lavina izay rehetra momba ny lafin-javatra kristiana. Nefa
amin'ny lafiny iray koa, dia tsapa tampoka ny ilàna toe-panahy
aman-tsaina ekena. Antsoina izy io mba hiseho, toy ny hoe fiteny
majika. Toa manafintohina tampoka ny lainga iray, satria lainga
be, kanefa ny lainga dia fanao mahazatra, ao amin'ny tontolo
pôlitika sy eo amin'ny fiainana andavanandro. Fahadisoana ve
ny lainga sasany, ary tsy izany kosa ny lainga hafa ?

„Izany no ankahalako ny làlam-pitaka rehetra” (Salamo
119. 104), hoy ny mpino maniry hivelona araka ny fihevitry **A-**
driamanitra. Andriamanitra tokoa mantsy dia manameloka ny
lainga. „Jehovah no Andriamanitra tokoa” (Jeremia 10. 10 ; dikan-
teny hafa : „Jehovah Andriamanitra dia fahamarinana”). Izy dia nane-
ho ny tenany tao amin'i Jesosy Kristy, Izay nilaza hoe : „Izaho no
làlana sy fahamarinana ary fiainana” (Jaona 14. 6). „Izao no nia-
viako amin'izao tontolo izao, dia ny hanambara ny marina (*iza-
ny hoe izay rehetra lazain'Andriamanitra*). Izay rehetra avy
amin'ny marina dia mihaino ny feoko” (Jaona 18. 37), hoy koa
Izy tamin'i Pilato. „Fa satria milaza ny marina Aho, dia tsy inoa-
nareo” (Jaona 8. 45). Tsy nino Azy ny olona ambony tamin'izany
vanimpotoana izany, ary satria ny marina nampiseho ny „faha-
disoan'izy ireo ara-toe-panahy aman-tsaina”, dia nomelohin'izy
ireo ho faty Ilay irak'Andriamanitra. Mandraka ankehitriny ny
Baiboly dia mbola miteny amintsika fa „tonga ny Zanak'Andria-
manitra ka efa nanome antsika ny fahazavan-tsaina, mba ho fan-
tatsika Ilay marina ; ary isika ao amin'Ilay marina, dia ao amin'i
Jesosy Kristy Zanany. Izy no Andriamanitra marina sy fiainana
mandrakizay” (1 Jaona 5. 20).